



Broj: 01-04-8-659/25-4
Datum: 17.6.2025. godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama BiH („Službeni glasnik BiH“, broj 39/14, 59/22 i 50/24) (u daljem tekstu: Zakon), te člana 4. Pravilnika o postupku dodjele ugovora o uslugama iz Aneksa II („Službeni glasnik BiH“ broj: 21/23), na prijedlog Komisije za nabavku imenovane Rješenjem broj: 01-30-10-1560/24 od 18.12.2024. godine, u postupku javne nabavke usluga sistematskog pregleda uposlenih u općini Travnik, putem Aneksa II Zakona, Općinski načelnik, **d o n o s i**

R J E Š E N J E

o poništenju postupka nabavke za pružanje usluga iz Aneksa II

- (1) Poništava se postupak nabavke usluga: Usluge sistematskog pregleda uposlenih u općini Travnik, iz razloga što primljena ponuda nije prihvatljiva.
- (2) Za izvršenje ovog Rješenja zadužuje se Služba za opću upravu i BIZ.
- (3) Ovo Rješenje objaviće se na internet stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Općina Travnik je na osnovu člana 8. i 18. stav (2) Zakona o javnim nabavkama i odredbi Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“ broj 21/23), pokrenula postupak nabavke usluga iz Aneksa II, za usluge sistematskog pregleda uposlenih u općini Travnik. Na Portalu javnih nabavki objavljeno je obavještenje o nabavci broj: 54-9-2-7-22-63/25; ispravka za obavještenje: 54-9-2-7-8-64/25 od 3.6.2025. godine. Procijenjena vrijednost za predmetnu nabavku je 17.094,00 KM bez PDV-a.

Odredbma Javnog poziva za dostavu ponuda je propisan kriterij za dodjelu ugovora „najniža cijena“.

Na osnovu obavještenja o nabavci i Javnog poziva za dostavu ponuda izvršeno je otvaranje ponuda dana 16.6.2025. godine u 12,30 sati u prostorijama ugovornog organa. U krajnjem roku za predaju ponuda koji je određen tenderskom dokumentacijom (16.6.2025. godine do 12:00 sati) na adresu ugovornog organa primljena je 1 (jedna) ponuda dostavljena od ponuđača Javna ustanova Dom zdravlja Travnik, što je evidentirano u zapisniku o otvaranju ponuda od 16.6.2025. godine. Nije bilo neblagovremeno pristiglih ponuda.

U skladu sa članom 63. Zakona, Komisija je u zakazno vrijeme pristupila otvaranju pristigle ponude i nakon što je utvrđena blagovremenost i urednost dostavljanja, pročitana je cijena kako slijedi:

Ponuđač:	Ukupna cijena ponude KM bez PDV-a	Popust	Ukupna cijena ponude sa PDV-om
JU Dom zdravlja Travnik	19.670,00	0%	Ponuđač nije u sistemu PDV-a

Nakon izvršenog otvaranja ponuda, na zatvorenom sastanku, Komisija je ponudu ponuđača Javna ustanova Dom zdravlja Travnik ocijenila neprihvatljivom, u smislu člana 2. stav (1) tačka I) alineja 2) Zakona.

Naime, uvidom u obrazac za cijenu ponude (prilog 3 TD) dostavljenog na strani 9. primljene ponude Komisija je konstatovala da je ponuđač ponudio cijenu za predmetnu uslugu u iznosu od 19.670,00 KM bez PDV-a, što premašuje ukupnu procijenjenu vrijednost predmetne nabavke. U skladu sa utvrđenim Komisija je zaključila da je ponuda neprihvatljiva.

Član 17. stav (2) tačka h) Zakona propisuje da je procijenjena vrijednost nabavke mandatoran podatak svake pojedine nabavke obuhvaćene Planom nabavki. Član 53. istog Zakona reguliše neophodne informacije tenderske dokumentacije, a u stavu (3) tačka s) navedenog člana zakonodavac propisuje da tenderska dokumentacija sadrži i podatak o procijenjenoj vrijednosti javne nabavke.

Objavom tenderske dokumentacije na Portal javnih nabavki omogućeno je svim potencijalnim ponuđačima da, pored ostalih bitnih podataka vezanih za konkretnu nabavku, saznaju podatak o procijenjenoj vrijednosti nabavke, te da u skladu sa istom, a uzevši u obzir sve ono što ugovorni organ zahtijeva da bude uračunato u cijenu ponude, formiraju cijene svoje ponude koja ne premašuje navedeni iznos procijenjene vrijednosti bez poreza na dodatu vrijednost određene nabavke.


Prema utvrđenim činjenicama, a pozivajući se na naprijed navedene odredbe Zakona, Komisija je ponudu ponuđača Javna ustanova Dom zdravlja Travnik isključila iz daljeg postupka i evaluacije.

Općinski načelnik u postupku predmetne nabavke nije našao razloge niti nepravilnosti u radu Komisije koji bi bili osnov za neprihvatanje prijedloga Komisije, te je u skladu sa članom 70. stav (1) i (4) Zakona donio odluku kao u dispozitivu.

POUKA O PRAVNOM LIJEKU:

Protiv ovog Rješenja može se izjaviti žalba u roku od deset (10) dana od dana prijema ovog Rješenja Uredu za razmatranje žalbi putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur



DOSTAVITI:

1. Ponuđačima
2. Internet stranica UO
3. Arhiva



NAČELNIK
dr. sci. Kenan Dautović